

羣書治要

羣書治要卷第三

秘書監鉅鹿男臣魏徵等奉 勅撰

詩

周南

關雎后妃之德也、風之始也、所以風天下而正
夫婦也、故用之鄉人焉、用之邦國焉、風、諷也、教
也、風以動之、教以化之、詩者、志之所之也、在心
爲志、發言爲詩、情動於衷而形於言、言之不足
故嗟歎之、嗟歎之不足故詠歌之、詠歌之不足

不知手之舞之、足之蹈之也。情發於聲，聲成文，

謂之音。

發猶見也。聲謂宮商角徵羽，聲成文者，宮商上下相應也。

治世之音，

安以樂，其政和；亂世之音，怨以怒，其政乖；亡國

之音，哀以思，其民困，故正得失，動天地，感鬼神，

莫近於詩。先王以是經夫婦，成孝敬，厚人倫，美

教化，移風易俗。故詩有六義焉：一曰風，二曰賦，

三曰比，四曰興，五曰雅，六曰頌。上以風化下，下

以風刺上，言之者無罪，聞之者足以自誠。故曰：

風以一國之事，繫一人之本，謂之風。言天下之

事形四方之風謂之雅雅者正也言王政之所
由廢興也政有小大故有小雅焉有大雅焉頌
者美盛德之形容以其成功告於神明者也是
謂四始詩之至也始者王道興衰之所由也至於王道衰禮
義廢政教失國異政家殊俗而變風變雅作矣
周南邵南正始之道王化之基是以關雎樂得
淑女以配君子憂在進賢不淫其色哀窈窕思
賢才而無傷善之心焉是關雎之義也

關關雎鳩在河之洲

興也關關和聲也雎鳩王
雎也鳥摯而有別后妃悅

樂君子之德、無不和諧、又不淫其色、若雖為之、有別焉、然後可以風化天下、夫婦有別、則父子親、父子親、則君臣敬、君臣敬、則朝廷正、朝廷正、則王化成也、**窈窕淑女、君子**

仇速也

仇速也

仇速也

仇速也

仇速也

仇速也

好仇、窈窕、幽閑也、淑、善也、仇、速也、后妃有關雎之德、是幽閑貞專之善女、宜為君子仇速也、**參差荇菜、左右流之**、有、關雎之德、乃能供荇

茶、備庶物、以事宗廟也、左右、助之、言二夫人九嬪以下、皆樂后妃之事也、**窈窕淑女、**

寤寐求之、寤、覺也、寐、寢也、言后妃覺寐、則常求此賢女、欲與之共已職、**求之**

不得、寤寐思服、服、事也、求賢女而不得、覺寐則思已職事、當與誰共之也、**悠**

哉、悠哉、展轉反側、悠、思也、言已誠思之也、臥而不周曰展也、

卷耳、后妃之志也、又當輔佐君子、求賢審官、知

臣下之勤勞、內有進賢之志、而無險詖私謁之

心、朝夕思念、至於憂勤、

謁請也

采采卷耳、不盈傾

筐、憂者之興也、采采、事采之也、卷耳、苓耳也、傾筐、畚屬也、易盈之器也、器之易盈、而不盈者、

志在輔佐君嗟我懷人、寘彼周行、

懷、思也、寘、置也、行、列也、思

君子官賢人、置之周之列位也、周之列位、謂朝廷之臣也、

邵南

甘棠、美邵伯也、邵伯之教、明于南國、

邵伯、姬姓、名奭、作上

公為蔽芾甘棠、勿剪勿伐、邵伯所茇、

蔽芾、小貌、甘棠、杜也、

茇、草舍也、邵伯聽男女之訟、不重煩勞百姓、止舍小棠之下、而聽斷焉、國人被其德、悅其化、敬

其樹也、

何彼穠矣、美王姬也、雖則王姬、亦下嫁於諸侯、

車服不繫其夫、下王后一等、猶執婦道、以成肅

雍之德、何彼穠矣、唐棣之華、興也、穠、猶我我也、唐棣、移也、云何乎

彼我我者、乃移之華、興者、喻王姬顏色之美盛也、曷弗肅雍、王姬之車、

肅、敬也、雍、和也、曷、何也、之、往也、何不敬和乎、王姬往乘車、言其嫁時始乘車、則已敬和矣、

鄘風

柏舟、言仁而不遇也、衛頃公時、仁人不遇、小人

在側、汎彼柏舟、亦汎其流、興也、汎、汎、流貌也、柏、木所以宜為舟也、汎、

其流不以濟渡也、舟載渡物也、今不用而與衆
物汎汎然俱流水中、興者喻仁人之不用、與羣
小人並列、耿耿不寐、如有隱憂、耿耿猶微微也、
亦猶是也、耿耿不寐、如有隱憂、耿耿猶微微也、
不遇憂在、憂心悄悄、愠于羣小、悄悄憂貌、
見侵害也、憂心悄悄、愠于羣小、悄悄憂貌、
既多受侮不少、也、悶、病

谷風刺夫婦失道也、衛人化其上、淫於新婚、而

弃其舊室、夫婦離絕、國俗傷敗焉、習習谷風、以

陰以雨、興也、習習和舒之貌、東風言之、谷風陰
陽和而谷風至、夫婦和則室家成也、

黽勉同心、不宜有怒、言黽勉思與君子同心也、
所以黽勉者、以爲見譴怒、

之宜也、采芣采菲、無以下體、芣、蘋也、菲、芴也、下
體、根莖也、二菜皆

卷之二十三

上下可食、然而其根有美時、有惡時、采之者不
可以根惡之時、并弃其葉、喻夫婦以禮義合、以
顏色親、亦不可以顏色
衰、而并其相與之禮、
德音莫違、及爾同死、
也、及、與也、夫婦之言、無相違者、則可
長相與處至死、顏色斯須之有也、

鄘風

相鼠刺無禮也、衛文公能正其羣臣、而刺在位

承先君之化、無禮儀也、相鼠有皮、人而無儀、
視

也、儀、威儀也、視、鼠有皮、雖居高顯之處、偷
食苟得、不知廉耻、亦與人無威儀者同也、人而

無儀、不死胡為、
人、以有威儀為貴、今反無之、傷
化敗俗、不如其死、無所害也、

相鼠有體、人而無禮、
禮、支人而無禮、胡不遄死、

于旄、美好善也。衛文公之臣子多好善，賢者樂

告以善道也。賢者，時處士也。子子于旄，在浚之郊。子子，于旄

貌。注旄於干首，大夫之旗也。浚，衛邑。時有建此旄來至浚之郊，卿大夫好善者也。素絲

紕之，良馬四之。紕，所以織組也。總紕於此，成文於彼。願以素絲紕組之法御四

馬也。彼姝者子，何以畀之。姝，順貌。畀，與。時賢者既悅此大夫有忠順之德，

又欲以善道與之，誠愛厚之至焉。

衛風

淇澳、美武公之德也。有文章，又能聽規諫，以禮

自防，故能入相于周。美而作是詩，瞻彼淇澳，綠

竹猗猗

興也猗猗美貌也武公質美德盛有康叔之餘烈也

有斐君子如

切如瑳如琢如磨

斐文章貌治骨曰切象曰瑳玉曰琢石曰磨道其學而成

也聽其規諫以禮自修飾如玉石之見琢磨

芄蘭刺惠公也驕而無禮大夫刺之

惠公以幼童即位自

謂有才能而驕慢於大臣但習威儀不知為政以禮也

芄蘭之支

興也芄蘭草柔

弱恒延蔓於地有所依緣則起興者喻幼穉之君任用大臣乃能成其政也

童子佩

觿

觿所以解結成人之佩也人君治成人事雖童子猶佩觿以早成其德也

雖則佩

觿能不我知

此幼稚之君雖佩觿焉其才能實不如我衆臣之所知為也惠公自

謂有才能而驕慢所以見刺也

王風

葛藟王族刺桓王也周室道衰棄其九族焉綿

綿葛藟在河之許

水涯曰許葛也藟也生河之涯得其潤澤以長而不絕興

者喻王之同姓得王恩施以生長其子

終遠兄弟謂他人父

兄弟族親

也王寡於恩施今以遠弄族親矣是我以他人爲已父也

采葛懼讒也

桓王之時政事不明臣無大小使出者則爲讒人所毀故懼之也

彼采葛兮一日不見如三月兮

興也葛所以爲絺紵也事雖小

一日不見於君憂懼於讒矣興者以采葛喻臣以小事使出者也

鄭風

風雨思君子也、亂世則思君子、不改其度焉、風

雨淒淒、雞鳴喈喈、

興也、風且雨淒淒然、雞猶守時而鳴喈喈然、興者、喻君子

雖居亂世不改其節度也、既見君子、云胡不夷、

夷、悅也、思而見之、云何不

也、悅也、

子衿、刺學校廢也、亂世則學校不修、青青子衿、

悠悠我心、

青衿、青領、學子之所服、學子而俱在學校之中、已留彼去、故隨而思之、

縱我不往、子寧不嗣音、

嗣、續也、汝曾不傳聲問我、我以恩責其忘己也、

齊風

雞鳴、思賢妃也、哀公荒淫怠慢、故陳賢妃貞女

夙夜警戒相成之道焉。雞既鳴矣，朝既盈矣。

雞鳴

朝盈，夫人也，君也。

可以起之常禮也。匪雞則鳴，蒼蠅之聲。

夫人以蠅聲為

雞鳴，則以作早於常時敬也。

甫田，大夫刺襄公也。無禮義而求大功，不修其

德而求諸侯，志大心勞，所以求者非其道也。無

田甫田，維莠騫騫。

興也，甫，大也。大田過度而無人功，終不能獲，興者，喻人君

欲立功致治，必勤身修德，積小以成高大也。

無思遠人，勞心忉忉。

憂勞，此言無德而求諸侯，徒勞其心忉忉然。

魏風

伐檀刺貪也在位貪鄙無功而受祿君子不得

進仕爾坎坎伐檀兮寘之河之干兮河水清且

漣漪伐檀以俟世用若俟河水清且漣漪是謂君子之人不得進仕也不稼不

穡胡取禾三百廛兮不狩不獵胡瞻爾庭有懸

貆兮一夫之居曰廛、貆獸名也彼君子兮不素餐兮素空、彼君子者

斥伐檀之人仕有功乃肯受祿

碩鼠刺重斂也國人刺其君之重斂蠶食於民

不修其政貪而畏人若大鼠也碩鼠碩鼠無食

我黍三歲貫汝莫我肯顧碩大也大鼠大鼠者斥其君汝無復食我

黍、疾其君稅斂之多、我事汝已三歲矣、曾逝將
無教令恩德、來顧眷我、又疾其不修德政、
去汝、適彼樂土、往矣、將去汝、與之訣別、
之辭、樂土、有德之國也、

唐風

杕杜、刺時也、君不能親其宗族、骨肉離散、獨居
而無兄弟、將爲沃所并爾、有杕之杜、其葉湑湑、

興也、杕、特生貌、杜、赤棠也、
湑湑、枝葉不相次比之貌、獨行踽踽、豈無他人、

不如我同父、

踽踽、無所親也、他人、謂異姓也、言昭公遠其宗族、獨行國中踽踽然、

此豈無異姓之臣乎、願恩不如同姓之親親耳、

秦風

晨風刺康公也忘穆公之業始棄其賢臣焉

彼晨風鬱彼北林

興也。馳疾飛貌也。晨風，鷗也。鬱，積也。先君招賢人，賢人歸

往之。馳疾如晨風之飛入北林也。

未見君子憂心欽欽

言穆公始未見

君子之時思望而憂欽欽然也。

如何如何忘我實多

此言穆公之意責康

公如何乎如何乎汝忘我之事實多大也。

渭陽康公念母也康公之母晉獻公之女文公

遭嬖姬之難未反而秦姬卒穆公納文公康公

時爲太子贈送文公于渭之陽念母之不見也

我見舅氏如母存焉及其卽位思而作是詩也

我送舅氏曰至渭陽渭水名也何以贈之路車乘黃

贈送也乘黃駟馬皆黃也我送舅氏悠悠我思何以贈之瓊

瑰玉佩瓊瑰美石而次玉者也

權輿刺康公也忘先君之舊臣與賢者有始而

無終也於我乎夏屋渠渠夏大也屋具也渠渠猶勤勤也言君始於

我厚設禮食大具以食我其意勤勤然今也每食無餘此言君今遇我薄其

食我裁足也于嗟乎不承權輿承繼也權輿始也

曹風

蜉蝣刺奢也昭公國小而迫無法以自守好奢

而任小人將無所依焉。蜉蝣之羽，衣裳楚楚。興也。

蜉蝣，渠略也。朝生夕死，猶有羽翼以自修飾。楚

楚，鮮明貌。興者，喻昭公之朝，其羣臣皆小人也。

徒整飾其衣裳，不知國將迫脇。君臣死亡之無日，如渠略然也。心之憂矣，於我

歸處。歸，依歸也。君當於何依歸，言有危亡之難，將無所就往也。

候人，刺近小人也。共公遠君子而好近小人焉。

彼候人兮，荷戈與祲。候人，道路送迎賓客者也。荷，揭也。祲，災也。言賢者之

官，不過彼其之子，三百赤芾。芾，韞也。大夫以上，赤芾乘軒之子，是

子也，佩赤芾者三百人。

小雅

鹿鳴、燕羣臣嘉賓也、既飲食之、又實幣帛筐篚、

以將其厚意、然後忠臣嘉賓得盡其心矣、呦呦

鹿鳴、食野之苹、

興也、苹、大萍也、鹿得苹草、呦呦然鳴而相呼、懇誠發于中、以興

嘉樂賓客、當有懇誠相招呼以成禮也、

我有嘉賓、鼓瑟吹笙、吹笙

鼓簧、承筐是將、

筐、篚屬、所以行幣帛也、承、猶奉也、

皇皇者華、君遣使臣也、送之以禮樂、言遠而有

光華也、

言臣出使、能揚君之美、以延其譽於四方、則為不辱君命也、

皇皇者

華、于彼原隰、

皇皇、猶煌煌也、忠臣奉使、能光君命、無遠無近、如華不以高下易其

色矣、無遠無近、惟所之則然也、

駉駉征夫、每懷靡及、

駉駉、衆多之貌也、征

夫、行人也、衆行夫既受君命、當速行、每人懷其私相替留、則於王事將無所及也、

常棣、燕兄弟也、閔管蔡之失道、故作常棣焉、周公

弔二叔之不咸、而使兄弟之恩疏、常棣之華、萼

不煒煒、承華者曰萼、不當作跼、跼、萼足也、萼足得華之光明、煒煒然也、興者、喻弟以敬

事兄、兄以榮覆弟、恩義之顯、亦煒煒然也、凡今之人、莫如兄弟、人之

無如兄弟、鵲鵲在原、兄弟急難、鵲鵲雍渠也、飛之最厚、

能自舍爾、急難言兄每有良朋、況也、永、

弟之相救於急難矣、雖有善同門來、茲對之長歎而已、兄弟閱于牆、

外禦其侮、雖內閱、外猶禦侮也、

美以報其上焉天保定爾俾爾戩戩穀罄無不宜

受天百祿

保安也爾汝也戩福也穀祿也罄盡也天使汝所福祿之人謂羣臣也其

舉事盡得其宜

如月之恆如日之昇

恆弦也昇出也言俱

進也月上弦而就盈日始出而就明也

如南山之壽不騫不崩

騫虧

如松柏之茂無不爾或承

或之言有也如松栢之枝葉常茂盛青青

相承無衰落也

南山有臺樂得賢也得賢者則能為邦家立太

平之基矣

人君得賢者則其德廣大堅固如山之有基趾也

南山有臺

北山有萊

臺夫須也興者山之有草木以自覆蓋成其高大喻人君有賢臣自以尊

也。樂只君子，邦家之基。基，本也。只之言是也。人君既得賢者，置之於位，
又尊敬以禮樂樂之，則能為國家之本也。

蓼蕭澤及四海也。蓼彼蕭斯，零露漙漙。興也。蓼，蒿也。漙漙然，蕭上露貌。興者，蕭香物之微者，喻四海之諸侯，亦國君之賤者。露，天所以潤萬

物。喻王者恩澤，不為遠國則不及之。既見君子，我心寫兮。既見君子者，遠

國之君，朝見於天子也。我心寫者，舒其情意，無留恨者。燕笑語兮，是以有

譽處兮。天子與之燕而笑語，則遠國之君各得其所，是以稱揚德美，使聲譽常處天子

也。

湛湛天子燕諸侯也。湛湛露斯，匪陽不晞。晞，乾也。露

自作貌

雖湛湛然見陽則乾興者露之在物湛湛然使
物柯葉低垂喻諸侯受燕爵其威儀有似醉之
貌唯天子賜爵則自變肅敬厭厭夜飲不醉無
承命有似露見日而晞也
歸厭厭
安也

六月宣王北伐也鹿鳴廢則和樂缺矣四牡廢
則君臣缺矣皇皇者華廢則忠信缺矣常棣廢
則兄弟缺矣伐木廢則朋友缺矣天保廢則福
祿缺矣采芣廢則征伐缺矣出車廢則功力缺
矣杕杜廢則師衆缺矣魚麗廢則法度缺矣南
陔廢則孝友缺矣白華廢則廉耻缺矣華黍廢

則蓄積缺矣、由庚廢則陰陽失其道理矣、南有
嘉魚廢則賢者不安、下民不得其所矣、崇仁廢
則萬物不遂矣、南山有臺廢則爲國之基墜矣、
由儀廢則萬物失其道理矣、蓼蕭廢則恩澤乖
矣、湛露廢則萬國離矣、彤弓廢則諸夏衰矣、菁
菁者莪廢則無禮儀矣、小雅盡廢則四夷交侵、
中國微矣、六月棲棲、戎車既飮、機棲簡閱貌、飮正也、記六月者、
盛夏出兵、玁狁孔熾、我是用急、熾、盛也、孔、甚也、此序吉甫之意
也、北狄來侵甚熾、故王以是急遣我也、

車攻宣王復古也宣王能內修政事外攘夷狄

復文武之境土修車馬備器械復會諸侯於東

都因田獵而選車徒焉東都王城我車既攻我馬既

同攻堅也同齊也四牡龐龐龐龐充實言徂東東雒邑也蕭蕭

馬鳴悠悠旆旌言不謹之子于征有聞無聲有善

聞而無謹謹

鴻鴈美宣王也萬民離散不安其居而能勞來

還定安集之至乎鰥寡無不得其所焉宣王承厲王衰

亂之弊而興復先王之鴻鴈于飛集于中澤中澤

道以安集衆民爲始

澤中鴻鴈之性安居澤中今飛而又集于澤之中猶民去其居而離散今見還定安集之也

之子于垣百堵皆作

侯伯卿士又於壞滅之國徵民起屋舍築牆壁百堵

同時起言趨事也

雖則劬勞其究安宅

此勸萬民之辭汝今雖病勞終

有所安居也

白駒大夫刺宣王也

刺其不能留賢也

皎皎白駒食我

場苗繫之維之以永今朝

宣王之末不能用賢賢者有乘白駒而去

者繫絆也維繫也永久也願此去者乘白駒而來使食我場中之苗我則絆之繫之以久今朝

愛之欲留也

所謂伊人於焉逍遙

乘白駒而去之賢人今於何遊息乎

思之甚矣

節南山家父刺幽王也

家父字周大夫也

節彼南山維

石巖巖

興也節高峻貌巖巖積石貌興者喻三公之位人所尊嚴也

赫赫師

尹民具爾瞻

師大師周之三公尹氏為太師具俱也此言尹氏汝居三公之位天

下之民俱視汝之所為也

國既卒斬何用不監

卒盡也斬斷也監觀也天

下之諸侯日相侵伐其國已盡絕滅汝何用為職不監察之

正月大夫刺幽王也正月繁霜我心憂傷

正月夏之

四月也繁多也夏之四月霜多急恒寒若之異傷害萬物故我心為之憂傷也

民之訛

言亦孔之將

將大也訛偽也人以為言相陷入使王行酷暴之刑致此災異故言

甚大謂天蓋高不敢不局謂地蓋厚不敢不躋

局曲

也、踏、累足也、此民疾苦王
政、上下皆可畏之言也、**哀今之人、胡為虺蜺**

虺蜺之性、見人則走、哀哉、今
之人、何為如是、傷時政也、**燎之方揚、寧或威**

之、威之以水也、燎之方盛之時、炎熾燂怒、寧有
能滅息之者乎、言無有也、以無有喻有之者

也、**赫赫宗周、褒姒威之**、宗周、鎬京也、褒、國名
也、姒、姓也、威、滅也、有

褒之女、幽王惑焉、而以爲
后、詩人知其必威周也、

十月之交、大夫刺幽王也、十月之交、朔日辛卯

日有蝕之、亦孔之醜、之、交、日月之交會也、醜、惡
也、周十月、夏之八月也、日

食、陰侵陽、臣侵君之象也、日爲君、辰爲臣、**彼月**
辛、金也、卯、木也、又以卯侵辛、故甚惡之、

而蝕、則維其常、此日而蝕、于何不臧、藏、善
也、**百川**

沸騰山冢峯崩

沸出也騰乘也山頂曰冢峯者崔嵬也百川沸出相乘凌者由

貴小人也山頂崔嵬者崩喻君道壞也

高岸為谷深谷為陵

言君子居

下小人也

哀今之人胡憊莫懲

憊曾也變異如此禍亂方至哀哉今

在位之人何曾

眴勉從事不敢告勞

詩人賢者見時如是

無以道德止之

無罪無辜讒口踴躍

賢

敢自謂勞畏刑罰也

衆多貌也時人非有辜罪其被讒口見祿譖驚然

小旻大夫刺幽王也謀臧不從不臧覆用

臧善也謀

之善者不從之其不善者反用之

我龜既厭不我告猶

猶圖也卜筮數

而瀆龜龜靈厭之不復告其所圖之吉凶

謀夫孔多是用不集

集就也謀

事者衆多、而非賢者、是非相奪、莫適可從、故所爲不成也、發言盈庭、誰敢執

其咎、

謀事者衆、訟訟滿庭、而無能決當是非、事若不成、誰云已當受其咎責者、言小人爭

智而讓過、

如彼築室于道謀、是用不潰于成、

潰、遂也、如當路

築室、得人而與之謀所爲、路人之意不同、故不得遂成也、

不敢暴虎、不敢馮

河、人知其一、莫知其他、

馮、凌也、人皆知暴虎馮河立至之害、而無知當

畏慎、小人能危亡已也、

小宛、大夫刺幽王也、溫溫恭人、

溫溫、和柔貌、

如集于

木、

恐墜也、

惴惴小心、如臨于谷、

恐隕、

戰戰兢兢、如履

薄冰、

衰亂之世、賢人君子雖無罪、猶恐懼也、

小弁刺幽王也太子之傳作焉踳踳周道鞠為

茂草踳踳平易貌周道周室之通道也鞠窮也我心憂傷惄焉如擣

假寐永歎維憂用老心之憂矣疚如疾首也惄思也擣

心疾也不脫冠衣而寐曰假寐疚猶病也維桑與梓必恭敬止父之所樹

已尚不敢不恭敬也靡瞻匪父靡依匪母不屬于毛不離

于裏此言人無不瞻仰其父取法則者無不依恃其母以長大者今我太子獨不受父之

皮膚之氣乎不處母之胞胎乎何曾無恩於我也無逝我梁無發我笱

逝之也之人梁發人笱此必有盜魚之罪以言褒姒以淫色來嬖於王盜我太子母子之寵也

我躬不閱遑恤我後念父孝也念父孝者太子念王將受讒言不止我死

之後、懼復有被讒者、無如之何、故自決云、身尚不能得自容、何暇乃憂我死之後乎、

巧言、刺幽王也、大夫傷於讒而作是詩、亂之初

生、僭始既涵、

僭、不信也、涵、同也、王之初生、亂萌、羣臣之言、信與不信、盡同之、不別、

亂之又生、君子信讒、

君子斥在位者、信讒、人言、是復亂之所生、君子

信盜、亂是用暴、

盜、謂小人、

盜言孔甘、亂是用餒、

餒、進也、

巷伯、刺幽王也、寺人傷於讒而作是詩、

巷伯、奄官、寺人、

內小 萋兮斐兮、成是貝錦、

興也、萋、斐、文章貌、貝、

集作己過、以成於罪、猶女 工之集采色成錦文也、

彼譖人者、亦已太甚、

太甚者、謂使 己得重罪、

取彼譖人、投畀豺虎、豺虎不食、投

界有北北方寒涼而不毛也、有北不受、授界有昊昊昊天也與昊

天使制其罪也

谷風刺幽王也、天下俗薄、朋友道絕焉、習習谷

風、維風及雨與也風雨相感朋友相須風而有雨則潤澤行喻朋友同志則恩愛

成將恐將懼、維予與汝將且也恐懼喻遭厄難也、將安將樂

汝轉棄予汝今已志達而安樂而并思忘舊薄之甚也、忘我大德、思

我小怨大德切嗟以道相成之謂也

蓼莪刺幽王也、民人勞苦、孝子不得終養爾、蓼

蓼者莪、匪莪伊蒿興也蓼莪長大貌也莪已蓼興長大我視之反謂之蒿興

者、喻憂思心不
精識其事也、
哀哀父母、生我劬勞、
哀哀者、恨不得終養

父母、報其生
長己之苦也、
無父何怙、無母何恃、出則嗷恤、入

則靡至、
恤、憂也、孝子之心、怙恃父母依依然、以爲不可斯須無也、出門則思之憂、旋入

門又不見、如父兮生我、母兮鞠我、拊我畜我、長

我育我、顧我復我、出入腹我、
鞠、養也、顧、旋視也、復、反覆也、腹、懷抱

欲報之德、昊天罔極、
之、猶是也、我欲報父母是德、昊天乎、我心無極也、

北山、大夫刺幽王也、役使不均、已勞於從事、而

不得養其父母焉、溥天之下、莫非王土、率土之

濱、莫非王臣、
此言王之土地廣大矣、王之臣又衆矣、何求而不得、何使而不行乎、

大夫不均、我從事獨賢、賢勞也、或燕燕以居息、燕燕

安息貌也、或盡瘁以事國、盡力勞病、或息偃在床、或

不已于行、不止也、或棲遲偃仰、或王事鞅掌、猶

荷也、掌謂捧持之也、負荷捧持以趨走、言促遽也、或耽樂飲酒、或慘慘

畏咎、咎、猶罪通

青蠅、大夫刺幽王也、營營青蠅、止于樊、興也、營往來

貌、樊、藩也、興者、蠅之為蟲、汚白使黑、汚黑使白、喻讒佞之人、變亂善惡也、止於藩、欲外之令遠

物也、愷悌君子、無信讒言、愷悌、樂易也、營營青蠅、止于

棘、讒人罔極、交亂四國、極、猶已也

賓之初筵、衛武公刺時也、幽王荒廢、媒近小人、

飲酒無度、天下化之、君臣上下、沈湎淫液、武公

既入、而作是詩也、淫液者、飲酒時情態也、言武公入者、入為王卿士也、賓

之初筵、溫溫其恭、溫溫、和柔也、其未醉止、威儀反反、

曰既醉止、威儀幡幡、舍其坐遷、屢舞僊僊、言重反反、

慎也、幡幡、失威儀也、仙仙、舞也、此言賓初即筵之時、自勅戒以禮、至於旅酬、而小人之態出也、

賓既醉止、載號載呶、亂我籩豆、屢舞僛僛、是曰

既醉、不知其郵、側弁之俄、屢舞僛僛、號、號呼也、呶、呶也、僛、

僛、不能自正也、僛、僛、不止也、郵、過也、側、傾也、俄、傾貌也、

采菽刺幽王也、侮慢諸侯、諸侯來朝、不能錫命

以禮、數徵會之、而無信義、君子見微、而思古焉、

采菽采菽筐之筥之、菽所以荅大牢、君子來朝、

何錫與之、雖無與之路車乘馬、君子謂諸侯也、賜諸侯以車馬、

言雖無與之、尚以爲薄也、

角弓、父兄刺幽王也、不親九族、而好讒佞、骨肉

相怨、故作是詩也、駢駢角弓、興也、駢駢、調和

也、不善維繫、巧用、則翩然而反、興者、喻王兄弟

婚姻、無胥遠矣、胥、相也、骨肉之親、當相親、無相疎遠、相疎遠、則以親親之望、易

以成怨也

爾之遠矣、民昏然矣、爾之教矣、民昏效矣、

爾、汝、爾、幽王也、昏、皆也、言王汝不親骨肉、則天下之人皆如斯、汝之教令、無善無惡、所尚者天下之人皆學之、言上之化下、不可不慎也、

苑柳、刺幽王也、暴虐而刑罰不中、諸侯皆不欲

朝、言王者之不可朝事也、有苑者柳、不尚息焉、

尚、庶幾也、有苑然、枝葉茂盛之柳、行路之人、豈有不庶幾欲就之止息乎、興者、喻王有盛德、則

天下皆庶幾願往、俾予靖之後、予極焉、靖、謀也、

極、誅也、假使我朝王、王留我使我謀政事、王信讒、不察功考績、後反誅放我、是言王刑罰不中、

不可朝事、

隰桑刺幽王也、小人在位、君子在野、思見君子

盡心以事之也、隰桑有阿、其葉有難、隰中之桑、枝條阿然

長美其葉又茂盛、可以庇蔭人、興者喻時、既見

君子、其樂如何、思在野之君子、而得見、心乎愛

矣、遐不謂矣、中心臧之、何日忘之、遐、遠也、謂勤也、臧、善也、我

心愛此君子、雖遠在野、豈能不勤思之乎、我心善此君子、又誠不能忘也、

白華、周人刺幽后也、幽王娶申女以爲后、又得

褒姒而黜申后、故下國化之、以妾爲妻、以孽代

宗、而王弗能治、申、姜姓之國、孽、支庶也、宗、適子也、王不能治、已不正、故也、英

英白雲露彼菅茅

英英白雲貌白雲下露養彼菅茅使與白華之

菅可相亂易猶天之下妖氣生褒姒使申后見黜也

天步艱難之子不猶

步、行也、猶、圖也、天行此艱難之妖久矣、王不圖

其變之所由、昔夏之衰、有二龍之妖、卜藏其瘳

周厲王發而觀之、化為元龜、童女遇之、當宣王之時而生女、懼而弃之、後褒人有獄而入之幽

王、幽王嬖之、

鼓鐘于宮、聲聞于外

王失禮於內、是謂褒姒、而下國聞知

而化之、王弗能治、如鳴鐘鼓於宮中、而欲使外人不聞、亦不可得也

念子懔懔、視

我邁邁

邁邁、不悅也、言申后之忠於王也、念之懔懔然、欲諫正之、王反不悅於其所言、

何草不黃、下國刺幽王也、四夷交侵、中國背叛

用兵不息、視民如禽獸、君子憂之、故作是詩也

上帝既命侯于周服

履數也商之孫子其數不徒億多言之也至天已命

文王之後乃為君於周之九服之中言眾之不如德也

侯服于周天命靡

常

則見天命之無常也無常者善則就之惡則去之

殷士膚敏裸將于

京

殷士殷侯也膚美也敏疾也裸濯鬯也將行也殷之臣壯美而敏來助周祭也

大明文王有明德故天復命武王也

二聖相承其明德日

廣大故曰大明也

明明在下赫赫在上

明明察也文王之德明明在於

下故赫赫然著見於天

天難忱斯不易維王天位殷嫡使

不挾四方

忱信也披達也天意難信矣不可改易者天子也今紂居王位而又殷之

正嫡以其為惡乃絕弄之使教令不行於四方四方共叛之是天命無常唯德是與耳維

此文王小心翼翼昭事上帝聿懷多福厥德不

回以受方國回違也小心狷狷恭慎貌也聿述也懷思也方國四方來附者也

思齊文王所以聖也言其非但天性德有所由成也思齊大任

文王之母思媚周姜京室之婦齊莊也媚愛也周姜大姜京室

王室也常思莊敬者太任也乃為文王之母又

常思愛大姜之配大王之禮以為京室之婦言

其德行純備大姒嗣徽音則百斯男大姒文王之妃也大

姒十子衆妾則宜百子也徽美也刑于寡妻至

于兄弟以御于家邦刑法也寡妻寡有之妻言賢也御治也文王以禮法

接待其妻至于其宗族以此又能為政治於家邦

靈臺民始附也文王受命而民樂其有靈德以

及鳥獸昆蟲焉

文王受命而作邑于豐立靈臺也

經始靈臺經

之營之庶民攻之不日成之

文王應天命度始靈臺之基趾營表

其位衆民則築作不設期日而成之言說文王之德勸其事忘已勞也

經始勿亟

庶民子來

亟急也經始靈臺之基趾非有急成之意衆民各以子成父事而來攻之

行葦忠厚也周家忠厚仁及草木故能內睦於

九族外尊事黃耆養老乞言以成其福祿焉

乞言

從求善言可以爲政者也敦彼行葦羊牛勿踐履方苞方體

維葉泥泥

敦聚貌也行道也葉初生泥泥然苞茂也體成形也敦敦然道旁之葦牧

羊牛者無使蹈履折傷之草物方茂盛以其終將爲人用故周之先王爲此愛之況於其人乎

黃耆台背以引以狄

台之言齡也大老則背有齡文也既告老人及其來

也以前曰引在其旁曰狄也

壽考維祺以介景福

得吉所以助大福也

假樂嘉成王也假樂君子顯顯令德宜民宜人

受祿于天

假嘉也宜民宜人宜安民宜官人也天嘉樂成王有光光之善德安民官

人皆得其宜以受福祿於天也

千祿百福子孫千億穆穆皇皇

宜君宜王

宜君王天下也千求也成王行顯顯之令德求祿得百福其子孫亦勤行

而求之得祿千億故或爲諸侯或爲天子言皆相勛以道也

不愆不忘率由

舊章

愆過也率循也成王之令德不遇誤不遺失循用舊典之文章謂周公之禮法

民勞召穆公刺厲王也民亦勞止汔可小康惠

此中國以綏四方

汔幾也康綏皆安也惠愛也今周民疲勞矣王幾可小安

之乎愛此京師之人以安天下京師者諸夏之根本也

板凡伯刺厲王也上帝板板下民卒瘁出話不

然爲猶不遠

板反也上帝以稱王者瘁病也話善言也猶謀也王爲政反先王與

天之道天下民盡瘁其出善言而不行之將至也猶之也以此爲謀不能遠圖不知禍之將至也

不遠是用大諫

王之謀不能圖遠用是故我大諫王也

介人維藩

太師維垣大邦維屏太宗維翰

介善也藩屏也垣牆也翰幹也

太師三公也、大邦成國諸侯也、太宗王之同姓、世嫡子也、王當用公卿諸侯及宗室之貴者、爲藩屏垣幹、爲輔弼、無疏遠之也、懷德維寧、宗子維城、無俾城壞、

無獨斯畏、

懷和也、斯離也、和汝德無行酷暴之政、以安汝國、以是爲宗子之城、使免

於難、宗子城壞、則乖離而汝獨居而畏矣、宗子適子也、

蕩、召穆公傷周室大壞也、厲王無道、天下蕩蕩、

無綱紀文章、故作是詩也、蕩蕩上帝、下民之辟、

上帝、以託君王也、辟、君也、蕩蕩、言法度廢壞之貌也、厲王乃以此居人上、爲天下之君、言其無

可則像、疾威上帝、其命多僻、疾、病人矣、威、罪人之甚也、

斂也、威、罪人者、峻刑法也、其政教又多邪僻、不由舊章也、天生烝民、其命匪

謹靡不有初鮮克有終

天之生此衆民其欲道之非當以誠信使之忠

厚乎今則不然民始皆庶幾於善道後更化於惡俗也

既愆爾止靡明靡

晦式號式呼俾晝作夜

使晝爲夜也愆過也汝既過於沈湎矣又不爲

明時有止息也醉則號呼相效用晝日作夜不視政事也

文王曰咨咨汝殷

商匪上帝不時殷不用舊

此言紂之亂非其生不得其時乃不用先

王之故法

雖無老成人尚有典刑

老成人謂若伊尹伊陟臣

扈之屬也雖無此臣猶有常事故法可案用

曾是莫聽大命以傾

莫

也朝廷君臣皆任喜怒曾無用典刑治事者以至誅滅也

殷鑒不遠在夏后

之世

此言殷之明鏡不遠也近在夏后之世謂湯誅桀也後武王誅紂今之王何以不用

爲戒乎

抑衛武公刺厲王也亦以自警也無競維人四

方其訓之有覺德行四國順之無競競也訓教也覺直也競勝

也人君爲政無強於得賢人得賢人則天下教化於其俗有大德行則天下順從其政言在上

所以眉敬慎威儀維民之則則法也慎爾出話敬

爾威儀無不柔嘉話善言也謂教令也白圭之玷尚可磨

也斯言之玷不可爲玷缺也斯此也王之玷缺尚可磨鑢而平人君政教

一失誰能反復之也

桑柔芮伯刺厲王也芮伯王卿士也憂心殷殷念我土

宇我生不辰逢天憚怒自西徂東靡所定處

宇居

也憚厚也此士卒從軍久不息勞苦自傷之言也

人亦有言進退維谷

谷窮也前無明君却迫罪役故窮也

維此良人弗求弗迪維彼忍

心是顧是復

迪進也良善也國有善人王不求索不進用之有忍爲惡之心者王

反顧念而重復之言其忽賢者愛小人也

大風有隧貪人敗類聽言

則對誦言如醉

類猶等夷也貪惡之人見道聽之類言則應答之見誦詩書之言

則眠臥如醉君居上位而行如此人或効之也

雲漢仍叔美宣王也宣王承厲王之烈內有撥

亂之志遇災而懼側身修行欲消去之天下喜

於王化復行、百姓見憂、故作是詩也、

仍叔、周大夫也、

倬

彼雲漢、昭回于天、

雲漢、謂天河也、昭、光也、倬、然、天河水氣也、精光轉運於天、

時旱渴雨、故宣王夜仰視天河望其候也、

王曰於乎、何辜今之人、天

降喪亂、飢饉薦臻、

薦、重也、臻、至也、辜、罪也、王憂早而嗟歎云、何罪與今時天

下之人、天仍下旱灾、亡亂之道、飢饉之害、復重至也、

靡神不舉、靡愛斯牲、

圭璧既卒、寧莫我聽、

靡、莫、皆無也、言王為旱之所愛於三牲也、禮神之圭璧、又已盡矣、故求於羣神無不祭也、無

曾無聽聆我之精誠、而興雲雨者與、

崧高、尹吉甫美宣王也、天下復平、能建國親諸

侯、褒賞申伯焉、

尹吉甫、申伯、皆周之卿士也、

維嶽降神、生甫

顯光也、於乎美哉、周公之祭清廟也、其禮敬且和、又詔侯有光明著見之德者、來也、祭之也、

濟濟多士、秉文之德、對越在天、對、配也、越、於也、濟濟之衆士皆

執行文王之德、文王精神已在天矣、猶配順其素行、如生存焉、

振鷺、二王之後來助祭也、二王、夏殷也、振鷺、于

飛于彼西雍、我客戾止、亦有斯容、興也、振、羣飛之貌也、鷺、白

鳥也、雍、澤也、客、二王之後也、白鳥、集於西雍之澤、言所集得其處也、興者、喻杞宋之君有潔白

之德、來助祭於周之廟、得禮之宜也、其至此亦有此容、言威儀之善、如鷺鳥然也、

雍禘大祖也、禘、大祭、大祖、謂文王、有來雍雍、至止肅肅、相

維辟公、天子穆穆、相、助也、雍雍、和也、肅肅、敬也、有是來時雍雍然、既至而肅

肅然者乃助王神祭百辟與諸侯也天子是時穆穆然言得天下之歡心也

有客敬子來見於祖廟也

微子代殷後既受命來朝見之也

有

客有客亦白其馬

殷尚白也

敬之羣臣進戒嗣王也敬之敬之天維顯思命

不易哉無曰高高在上陟降厥士日監在茲

顯光

也監視也羣臣見王謀即政之事故因此時戒之曰敬之哉敬之哉天乃光明去惡與善其命吉凶不變易也無謂天高又高在上遠人而不畏也天上下其事謂轉運日月施其所行日視瞻近在此也

魯頌

閼宮、頌僖公之能復周公之宇也。

居宇

王曰：叔父，

建爾元子，俾侯于魯。大啓爾宇，爲周室輔。

王成王也。

元，首也。宇，居也。成王，周公叔父。我立汝首子，使爲君於魯，謂欲封伯禽也。以爲周公後也。大，謂汝居以爲周家輔。乃命魯公，俾侯于東，賜之山川、土田、附庸。

既告周公，乃策命伯禽，使爲君於東，加賜之以山川、土田及附

庸，令專統之也。

商頌

長發，大禘也。

大禘，郊祭天也。

湯降不遲，聖敬日躋，昭假

遲遲，上帝是祗。帝命式于九圍。

不遲，言疾也。躋，升也。九圍，九州。

也降下也暇暇也暇敬也式用也湯之下士尊
賢甚疾其聖敬之德日進然而能以其聰明寬
暇天下之人遲遲然言其急於已而緩於人也
天用是故愛敬之天於是又命之使用事於天
下言不競不綌不剛不柔敷政優優百祿是道
王之急也優優和也道聚也

殷武祀高宗也天命降監下民有嚴不僭不濫

不敢怠遑命于下國封建厥福不僭不濫賞不

大也遑暇也天命乃下視下民有嚴顯之君能
明德慎罰不敢怠惰自暇於政事者則命之於
小國以為天子大立其福謂商邑翼翼四方之
命湯使由七十里王天下也

極商邑京師也極中也商邑之禮俗
翼翼然可則效乃四方之中正也

羣書治要卷第三

原缺

舊唐書治要卷第五

秘書監鍾鹿男臣魏徵等奉勅撰

春秋左氏傳中

宣公

二年鄭公子歸生伐宋宋華元禦之將戰華元殺羊食士其御羊斟不與及戰曰疇昔之羊子

爲政

疇昔猶前日也

今日之事我爲政與入鄭師故敗

晉靈公不君

失君道

厚斂以雕牆

雕畫也

從臺上彈

人而觀其避丸也宰夫肺熊蹯不熟殺之寘諸

審使婦人載以過朝

審、宮屬

趙盾士季患之將諫

士季曰諫而不入則莫之繼也會請先不入則

子繼之三進及溜而後視之

士季隨會也三進三伏公不省而又

前也公知欲諫故佯不視

曰吾知所過矣將改之稽首而對

曰人誰無過過而能改善莫大焉詩曰靡不有

初鮮克有終夫如是則能補過者鮮矣君能有

終則社稷之固也豈唯羣臣賴之猶不改宣子

驟諫公患之使鉏麇賊之

鉏麇力士

晨往寢門闢矣

盛服將朝尚早坐而假寐

不解衣冠而睡

麇退歎而言

曰、不忘恭敬、民之主也、賊民之主、不忠、弑君之

命、不信、有一於此、不如死、觸槐而死、槐、趙盾庭樹、晉

侯飲趙盾酒、伏甲將攻之、其右提彌明知之、右、

右、趨登曰、臣侍宴過三爵、非禮、遂扶以下、公喉

夫爇焉、明搏而殺之、爇、猛犬也、盾曰、弃人用犬、雖猛

何爲、責公不養士、而更以犬爲己用也、鬬且出、趙穿攻靈公於

桃園、穿、趙盾之從父昆弟子、宣子未出山而復、晉境之山也、盾出奔、

聞公弑而還、大史書曰、趙盾殺其君、以示於朝、宣子

曰、不然、對曰、子爲正卿、亡不越境、反不討賊、非

子而誰孔子曰董狐古之良史也書法不隱不隱

盾之趙宣子古之良大夫也為法受惡善其為法屈也

三年楚子伐陸渾之戎遂至于雒觀兵于周疆

定王使王孫滿勞楚子王孫滿周大夫楚子問鼎之大

小輕重焉示欲逼周取天下也對曰在德不在鼎昔夏之

方有德也禹之世也遠方圖物圖畫山川奇異之物而獻之貢金

九牧使九州之牧貢金鑄鼎象物象所圖物使民知神姦圖鬼

神百物之形故民入川澤山林魑魅罔兩魑魅山神魅

使民逆備之莫能逢之逢遇用能協于上下以承天

怪氣罔兩水神也

休

民無災害則上下和而受天祐

桀有昏德鼎遷于商商紂暴

虐鼎遷于周德之休明雖小重

不可遷

其姦回昏

亂雖大輕也

言可移

天祚明德有所底止

底致

周德

雖衰天命未改鼎之輕重未可問也

四年楚子滅若敖氏其孫箴尹克黃

箴尹官名克黃子文

也使于齊還及宋聞亂其人曰不可以入矣箴

尹曰弇君之命獨誰受之君天也天可逃乎遂

歸復命自拘於司敗王思子文之治楚國也曰

子文無後何以勸善使復其所

十一年楚子伐陳

十年夏徵舒弑君也

謂陳人無動將討

於少西氏矣

少西徵舒之名祖子夏之名

遂入陳殺夏徵舒因

縣陳

滅陳以爲楚縣

申叔時使於齊反復命而退王使

讓之曰夏徵舒爲不道弑其君寡人以諸侯討

而戮之諸侯縣公皆慶寡人

楚縣大夫皆僭稱公

汝獨不

慶寡人何故對曰夏徵舒弑其君其罪大矣討

而戮之君之義也抑人亦有言曰牽牛以蹊人

之田

抑辭也蹊徑也

而奪之牛牽牛以蹊者信有罪矣

而奪之牛罰已重矣諸侯之從也曰討有罪也

今縣陳貪其富也、以討召諸侯、而以貪歸之、無

乃不可乎、王曰、善哉、吾未之聞也、反之可乎、對

曰、可哉、吾儕小人、所謂取諸其懷而與之也、特叔

諫言、小人意淺、謂譬如取人物於其懷而還之、爲愈於不還也、乃復封陳、

十二年、晉師救鄭、及河、聞鄭既及楚平、桓子欲

還、桓子、林父、隨武子曰、善、武子、士會也、會聞用師觀釁而

動、釁、罪也、德刑政事典禮不易、不可敵也、楚君討

鄭、怒其貳、而哀其弇、叛而伐之、服而舍之、德刑

成矣、伐叛刑也、柔服德也、二者立矣、昔歲入陳、

討微

今茲入鄭民不罷勞君無怨讎讎謗也政有

經矣

經常也

商農工賈不敗其業而卒乘輯睦

步

卒車

事不姦矣

姦犯也

為宰擇楚國之令典

宰令尹為敖孫叔敖

百官象物而動軍政不戒而備

物猶類也

戒勅令也

能用典矣其君之舉也內姓選於親外姓

選於舊

言親疎並用也

舉不失德賞不失勞君子小人

物有服章

尊卑別也

貴有常尊賤有等威

威儀有等差也

禮

不逆矣德立刑行政成事時典從禮順若之何

敵之見可而進知難而退軍之善政也兼弱攻

昧武之善經也

昧昏亂也經法

子姑整軍而經武乎

姑且

猶有弱而昧者何必楚彘子曰不可

彘子先穀

成師

以出聞敵強而退非夫也

非丈夫

師遂濟楚子北

師次於管

管城

鄭皇戌使如晉師曰楚師驟

勝而驕其師老矣子擊之楚師必敗欒武子曰

武子欒書

楚自克庸以來

在文十六年

其君無日不討國

人而訓之

討治也

于民生之不易禍至之無日戒

懼之不可怠

于日也

在軍無日不討軍實而申儆

之

軍實軍器

于勝之不可保紂之百克而卒無後箴

之曰民生在勤勤則不匱不可謂驕也先大

夫子犯有言曰師直為壯曲為老我不德而徼

怨于楚我曲楚直不可謂老不德謂以力爭諸侯也徼要也鄭

不可從楚人遂疾進師乘晉軍桓子不知所為

鼓於軍中曰先濟者有賞中軍下軍爭舟舟中

之指可掬潘黨曰君盍築武軍築軍營以彰武功也而收

晉尸以為京觀積尸封土其上謂之京觀臣聞克敵必示子

孫以無忘武功楚子曰非爾所知也夫文止戈

為武文字也武王克商作頌曰載戢干戈載櫜弓

矢

戢、藏也、棄、擊也、許、美武王能滅暴亂而息兵也

夫武禁暴、戢兵、保大

定功、安民、和衆、豐財者也

此武七德也

故使子孫無

忘其章

著之篇章、使子孫不忘也

今我使二國曝骨暴矣、觀

兵以威諸侯、兵不戢矣、暴而不戢、安能保大、猶

有晉在焉、得定功、所違民欲、猶多、民何安焉、無

德而強爭諸侯、何以和衆、利人之幾

幾、危也

而安

人之亂、以爲已榮、何以豐財

兵動則年荒

武有七德

我無一焉、何以示子孫、其爲先君宮、告成事而

已

祀先君告戰勝

武非吾功也、古者明王伐不敬、取其

鯨鯢而封之、以爲大戮、於是乎有京觀、以懲淫

慝、鯨鯢、大魚名也、以喻不義之人、吞食小國也、今罪無所、晉罪無所犯、而

民皆盡忠、以死君命、又可以爲京觀乎、晉師歸、

桓子請死、晉侯欲許之、士貞子諫曰、不可、貞子、士屋

濁城濮之役、晉師三日穀、在傳二十年、文公猶有憂

色、左右曰、有喜而憂、如有憂而喜乎、言憂喜失時也、公

曰、得臣猶在、憂未歇也、歇、盡也、困獸猶鬪、況國相

乎、及楚殺子玉、子玉、得臣也、公喜而後可知也、喜見於顏

色也、曰、莫余毒也已、是晉再克、而楚再敗也、楚是

以再世不競

成王至穆王也

今天或者大警晉也而又

殺林父以重楚勝其無乃久不競乎林父之事

君也進思盡忠退思補過社稷之衛也若之何

殺之夫其敗也如日月之食何損於明晉侯使

復其位

言晉景所以不失霸也

楚子伐蕭申公巫臣曰師人多寒王巡三軍拊

而勉之

拊撫慰勉之

三軍之士皆如挾纊

纊纊也言悅以忘寒

十五年楚子伐宋宋人告急于晉晉侯欲救之

伯宗曰不可

伯宗晉大夫

古人有言曰雖鞭之長不

及馬腹

言非所擊

天方授楚，未可與爭，雖晉之強，能

違天平，諺曰：高下在心。

度時制宜也

川澤納汙

受汙也

山藪藏疾

山之有林藪，毒害者所居

瑾瑜匿瑕

匿，亦藏也。雖美玉之質，亦

或居藏瑕穢

國君含垢，天之道也。

晉侯耻不救宋，故伯宗為說小惡不

損大德之喻也

君其待之。

待楚衰也

乃止，使解揚如宋，使無

降楚。曰：晉師悉起，將至，鄭人囚而獻楚。楚子厚

賂之，使反其言，不許。三乃許之，登諸樓車，使呼

宋人而告之。

樓車，車上望櫓

遂致其君命。楚子將殺之。

使與之言曰：爾既許不穀，而反之，何故？非我無

信、汝則弃之、速即爾刑、對曰、臣聞之、君能制命

爲義、臣能承命爲信、義無二信、欲爲義者、不行兩信、信無

二命、欲行信者、不受二命、君之賂臣、不知命也、受命以出、

有死無實、實、廢隊、又可賂乎、臣之許君、以成命也、

成君命、死之成命、臣之祿也、寡君有信臣、已不廢命也、

下臣獲考、考、成也、死又何求、楚子舍之以歸、

潞子嬰兒之夫人、晉景公之姊也、酆舒爲政而

殺之、又傷潞子之目、酆舒、潞相、晉侯將伐之、諸大夫

皆曰、不可、酆舒有三僞才、僞、絕異也、不如待後之人、

伯宗曰必伐之狄有五罪僞才雖多何補焉不

祀一也耆酒二也弄仲章而奪黎氏之地三也

仲章潞賢人虐我伯姬四也傷其君目五也怙

其僞才而不以茂德茲益罪也後之人或者將

敬奉德義以事神人而申固其命審政若之何

待之不討有罪曰將待後後有辭而討焉無乃

不可乎夫恃才與衆亡之道也商紂由之故滅

天反時爲災寒暑地反物爲妖群物民反德爲

亂亂則妖災生盡在狄矣晉侯從之夏晉荀林

父敗赤狄于曲梁、滅潞、晉侯賞桓子狄臣千室、

千家也、

亦賞士伯以瓜衍之縣、

士伯、士貞子、

曰、吾獲狄

士子之功也、微子、吾喪伯氏矣、

伯、桓子字也、

羊舌職

悅是賞也、

職、叔向父、

曰、周書所謂庸庸、祇祇者、謂此

物也夫、

庸、用也、祇、敬也、言文王能用、可用、敬可敬也、

士伯庸中行伯

言中行伯可用、

君信之、亦庸士伯、此之謂明德矣、文王

所以造周、不是過也、率是道也、其何不濟、

十六年、晉侯命士會將中軍、且為太傅、於是晉

國之盜、逃奔于秦、羊舌職曰、吾聞之、禹稱善人

稱舉也不善人遠此之謂也夫善人在上則國無
幸民諺曰民之多幸國之不幸是無善人之謂
也

成公

二年衛侯使孫良夫侵齊與齊師遇師敗仲叔

于奚救孫桓子桓子是以免既衛人賞之以邑

賞于辭請曲縣軒縣繁纓以朝許之繁纓馬飾皆諸侯之

服也仲尼聞之曰惜也不如多與之邑唯器與名

不可以假人器車服也名爵號也君之所司也政之大節

也若以假人與人政也政亡則國家從之不可止也已

宋文公卒始厚葬用蜃炭益車馬始用殉燒蛤

以壅墳多埋車馬用人從葬也重器備重猶多也君子謂華元樂舉

於是乎不臣臣治煩去惑者也是以伏死而爭

今二子者君生則縱其惑謂文十八年殺母弟須死則益

其侈是弃君於惡也何臣之爲若言何用爲臣

楚之討陳夏氏也在宣十一年莊王欲納夏姬申公

巫臣諫曰不可君召諸侯以討罪也今納夏姬

貪其色也、貪色爲淫、淫爲大罰、周書曰、明德慎罰、若興諸侯以取大罰、非慎之也、君其圖之、王乃止、

六年、晉欒書救鄭、與楚師遇於繞角、繞角鄭地、楚師

還、晉師遂侵蔡、楚公子申、公子成以申息之師

救蔡、趙同、趙括欲戰、請於武子、武子將許之、知

莊子、荀首、范文子、士變、韓獻子、韓厥、諫曰、不可、吾來救

鄭、楚師去我、吾遂至於此、此地此蔡、是遷戮也、戮而

不已、又怒楚師、戰必不克、遷戮不義、怒敵難當、故不克也、雖克

不令成師以出而敗楚二縣何榮之有焉六軍悉出

故曰成師以大勝小不足為榮也若不能敗為辱已甚不如還

也乃遂還於是軍帥之欲戰者眾或謂欒武子

曰聖人與眾同欲是以濟事子盍從眾盍何不子

之佐十一人六軍之卿佐也其不欲戰者三人而已知范

韓也欲戰者可謂眾矣商書曰三人占從二人眾

故也武子曰善鈞從眾鈞等夫善眾之主也三卿

為主可謂眾矣三卿皆晉之賢人從之不亦可乎傳善欒書

得從眾之義也

八年晉侯使韓穿來言汶陽之田歸之于齊季

文子餞之

餞送行飲酒也

私焉

私與之言

曰大國制義以爲

盟主是以諸侯懷德畏討無有貳心謂汶陽之

田弊邑之舊也而用師於齊使歸諸弊邑

用師章之

戰也

今有二命曰歸諸齊信以行義義以成命小

國所望而懷也信不可知義無所立四方諸侯

其誰不解體

言不復肅敬於晉也

詩曰女也不爽士貳其

行士也罔極二三其德

爽差也極中也婦人怨丈夫不一其行也喻晉

事晉猶女之事夫不敢過差而

言有罔極之心反二三其德也七年之中一與

一奪二三孰甚焉士之二三猶喪配耦而况霸
主乎將德是以也用而二三之其何以長有諸
侯乎

晉討趙同趙括武從姬氏畜于公室趙武莊姬

晉成公女也畜養也以其田與祁奚韓厥言於晉侯曰成

季之勲宣孟之忠成季趙衰宣孟趙盾而無後為善者其

懼矣三代之令王皆數百年保天祿夫豈無僻

王賴前哲以免也言三代亦有邪僻之君但賴其先人以免禍耳周書

曰不敢侮鰥寡所以明德也言文王不侮鰥寡而德益明欲使晉

侯之法

乃立武而反其田焉

十六年楚子救鄭司馬將中軍

子反也

過申子反

入見申叔時

叔時老在申也

曰師其何如對曰德刑詳

義禮信戰之器也

器猶用也

德以施惠刑以正邪詳

以事神義以建利禮以順時信以守物上下和

睦周旋不逆

鉤順理也

是以神降之福時無災害民

生敦龐和同以聽

敦厚龐大

莫不盡力以從上命此

戰之所由克也今楚內弃其民

不施惠也

而外絕其

好

善不建利

瀆齊盟

不詳事神

而食話言

信不守物

奸時以動

不順時妨農業

而疲民以逞

刑不正邪而苟快意

民不知信進退

罪也子其勉之吾不復見子矣

言其必敗不反也

晉楚遇於鄢陵范文子不欲戰卻至曰韓之戰

惠公不振旅

衆散敗也左僖十五年

邲之師荀伯不復從

荀林父奔走不復故道也在宣十二年

皆晉之耻也子亦見先君

之事矣

見先君成敗之事

今我避楚又益耻也文子曰

吾先君之亟戰也有故

亟數也

秦狄齊楚皆疆不

盡力子孫將弱今三疆服矣

齊秦狄也

敵楚而已唯

聖人能外內無患自非聖人外寧必有內憂

九驕

則憂患生盍釋楚以為外懼乎

襄公

三年祁奚請老

老致仕

晉侯問嗣焉

嗣續其職者

稱解

狐其讎也將立之而卒

解狐卒也

又問焉對曰午也

可

午祁奚子

於是羊舌職死矣晉侯曰孰可以代之

對曰赤也可

赤職之子伯華

於是使祁午為中軍尉羊

舌赤佐之

各代其父

君子謂祁奚於是能舉善矣稱

其讎不為諂立其子不為比舉其偏不為黨

偏屬

也能舉善也夫唯善故能舉其類也

晉侯之弟揚干亂行於曲梁行、涼次也，魏絳戮其僕

僕。晉侯怒，謂羊舌赤曰：「合諸侯以爲榮也，揚干

爲戮，何辱如之？必殺魏絳，無失之也。」對曰：「絳無

貳志，事君不避難，有罪不逃刑，其將來辭，何辱

命焉？」言終，魏絳至，授僕人書。僕人、晉侯御僕，將伏劍，士

魴張老止之，公讀其書曰：「日君乏使，使臣斯司

馬，斯此也。臣聞師衆以順爲武，順莫敢違，軍事有死無

犯爲敬，守官行法，雖死不敢有違。君合諸侯，臣敢不敬乎？君

師不武，執事不敬，罪莫大焉。臣懼其死以及揚

干無所逃罪

懼自犯不武不敬之罪也

不能致訓至於用鉞

用鉞斬揚干之僕也

臣之罪重敢有不從以怒君心

言不敢不

從請歸死於司寇公跣而出曰寡人之言親愛

也吾子之討軍禮也寡人有弟弗能教訓使干

大命寡人之過也子無重寡人之過

聽絳死為重過敢

以為請

請使無死

友役使佐新軍

四年無終子嘉父使孟樂如晉

無終山戎國名也

因魏

莊子納虎豹之皮以請和諸戎

欲戎與晉和莊子魏絳

晉

侯曰戎狄無親而貪不如伐之魏絳曰諸侯新

服陳新來和將觀於我我德則睦否則携貳勞

師於我而楚伐陳必不能救是弃陳也諸華必

叛諸華中國戎禽獸也獲戎失華無乃不可乎昔周

辛甲之為太史也命百官官箴王闕辛甲周武王太史也

闕過也使百官各為箴辭戒王過也於虞人之箴虞人掌田獵者曰茫茫

禹迹畫為九州茫茫遠貌畫分也經啓九道啓開九州之道民

有寢廟獸有茂草各有攸處德用不擾人神各有所歸

故德不亂也在帝夷羿冒于原獸冒貪也忘其國恤而

思其麇牡言但念獵武不可重重猶數用不恢于夏家

十一

羿以好武雖有夏家而不能恢大之也

獸臣司原敢告僕夫

獸臣虞人

也告僕夫不敢斥尊也

虞箴如是可不懲乎於是晉侯好

田故魏絳及之

及后羿事也

公曰然則莫如和我乎

對曰和我有五利焉戎狄荐居貴貨易土

荐聚也易

猶輕也

土可賈焉一也邊鄙不聳民狎其野穡人

成功二也

聳懼也狎習也

戎狄事晉四隣振動諸侯威

懷三也以德綏我師徒不勤甲兵不頓四也

頓壞

也鑒于后羿而用德度

以后羿為鑒戒

遠至邇安五也

君其圖之公悅使魏絳盟諸戎脩民事田以時

言晉侯能用善謀也

九年秦景公使乞師于楚將以伐晉楚子許之

子囊曰不可當今吾不能與晉爭也晉君類能

而使之隨所舉不失選得所官不易方方猶其

卿讓於善讓勝已者其大夫不失守各任其職也其士競

於教奉上命也其庶人力於農穡種曰農收曰穡商工皂隸

不知遷業四民不雜也君明臣忠上讓下競尊官相讓勞職

當是時也晉不可敵事之而後可君其圖之

冬諸侯伐鄭鄭從楚也鄭人行成與晉成也

冬諸侯以下恐有脫誤

十一年諸侯復伐鄭鄭人賂晉侯以師觸師蠲

觸蠲皆樂師名歌鍾二肆肆列也懸鍾十六為一肆女樂二八十六人也

晉侯以樂之半賜魏絳曰子教寡人和諸戎狄

以正諸華在四年八年之中九合諸侯如樂之和

無所不諧諧亦和也請與子樂之共此樂也辭曰夫和我

狄國之福也八年之中九合諸侯諸侯無慝君

之靈也二三子之勞也臣何力之有焉抑臣願

君安其樂而思其終也公曰子之教敢不承命

抑微子寡人無以待戎待遇接納不能濟河度河南

夫賞國之典也、不可廢也、子其受之、魏絳於是

乎始有金石之樂、禮也、禮、大夫有
功則賜樂

十三年、晉侯蒐于綿上、以治兵、為將命
軍帥也、使士句

將中軍、辭曰、伯游長、伯游、荀偃、昔臣習於知伯、是以

佐之、非能賢也、七年、韓厥老、知罃代將中軍、士
句佐之、句今將讓、故謂爾時之

舉、不以
已賢也、請從伯游、荀偃將中軍、代荀
罃、士句佐之、

位如
故、使韓起將上軍、辭以趙武、又使欒黶、以武
位卑

故不聽、更
命黶也、辭曰、臣不如韓起、韓起願上趙武、君

其聽之、使趙武將上軍、武自新軍
超四等、韓起佐之、位如

也樂鳳將下軍魏絳佐之鳳亦如故絳自晉國新軍佐超一等

之民是以大和諸侯遠睦君子曰讓禮之主也

范宣子讓其下皆讓樂鳳為汰弗敢違也晉國

以平數世賴之刑善也夫刑法也一人刑善百姓

休和可不務乎世之治也君子尚能而讓其下

能者在下位則貴尚而讓之小人農力以事其上是以上下

有禮而讒慝黜遠由不爭也謂之懿德及其亂

也君子稱其功以加小人加陵也君子在位者也小人伐

其技以馮君子焉亦陵也自稱其能為伐是以上下無禮亂

虐並生由爭善也

爭自善也

謂之昏德國家之弊恒

必由之

傳言晉之所以興也

十四年衛獻公戒孫文子甯惠子食

勅戒二子欲共宴食

日盱不召

盱晏也

而射鴻於囿二子怒公使子矯

子伯子皮與孫子盟于丘宮孫子皆殺之

三子衛羣

公子也

公出奔齊師曠侍於晉侯

師曠子野

晉侯曰衛

人出其君不亦甚乎對曰或者其君實甚良君

養民如子蓋之如天容之如地民奉其君愛之

如父母仰之如日月敬之如神明畏之如雷霆

其可出乎、夫君神之主、而民之望也、若困民之

主、匱神之祀、百姓絕望、社稷無主、將安用之、弗

去何為、天生民而立之君、使司牧之、勿使失性、

有君而為之貳、貳、卿佐使師保之、勿使過度、善則

賞之、賞、謂宣揚之也過則匡之、匡、正也患則救之、救、其難也失則

革之、自王以下、各有父兄子弟、以補察其政、補、其

愆過、察其得失史為書、謂大史君舉必書瞽為詩、為詩以風刺工誦

箴諫、工、樂人也、誦箴諫之辭大夫規誨、規、正諫誨其君士傳言、聞

過失、傳告大夫庶人謗、庶人不與政、聞君過、得從而誹謗商旅于市、陳旅

也陳其貨物以
示時所貴尚也

百工獻藝

獻其伎藝以
喻政事也

天之愛

民甚矣豈其使一人肆於民上

肆放也

以從其淫

而弃天地之性必不然矣

傳言師曠能
因問盡言也

十五年宋人或得玉獻諸子罕子罕不受獻玉

者曰以示玉人

玉人能
治玉者

玉人以爲寶也故敢獻

之子罕曰我以不貪爲寶爾以玉爲寶若以與

我皆喪寶也不若人有其寶替首而告曰小人

懷璧不可以越鄉

言必爲
盜所害

納此以請死

請免
死

子

罕寘諸其里使玉人爲之攻之

攻治也

富而後使

復其所

賣玉得富

二十一年邾庶其以漆閭上來奔

庶其邾大夫也

季武

子以公姑姊妻之皆有賜於其從者於是魯多

盜季孫謂臧武仲曰子盍詰盜

詰治也

武仲曰不

可詰也紇又不能季孫曰子爲司寇將盜是務

去若之何不能武仲曰子召外盜而大禮焉何

以止吾盜

吾謂國中

子爲正卿而來外盜使紇去

將何以能庶其竊邑於邾以來子以姬氏妻之

而與之邑

使食漆閭上

也其從者皆有賜焉若大盜禮

焉以君之姑姊與其大邑其次皂牧輿馬

給其賤役

從皂至牧

其小者衣裳劔帶是賞盜也賞而去之其

或難焉紇也聞之在上位者洒濯其心壹以待

人軌度其信可明徵也

徵驗也

而後可以治人夫

上之所爲民之歸也上所不爲而民或爲之是以加刑罰焉而莫敢不懲若上之所爲而民亦爲之乃其所也又可禁乎

晉欒盈出奔楚宣子殺羊舌虎

欒盈之黨

囚叔向欒

王黼見叔向曰吾爲子請叔向不應

欒王黼晉大夫欒桓

子其人皆咎叔向曰必祁大夫祁大夫室老聞

之曰樂王鮒言於君無不行求救吾子吾子不

許祁大夫所不能也何爲也叔向曰祁大夫外

舉不弃讎內舉不失親其獨遺我乎詩曰有覺

德行四國順之言德行直則天下順也夫子覺者也覺較然正

直晉侯問叔向之罪於樂王鮒對曰不弃其親

其有焉言叔向篤親親必與叔虎同謀於是祁奚老矣老去公族大夫

聞之乘駟而見宣子曰詩云惠我無疆子孫保

之言文武有惠訓之德加於百姓故子孫保賴之夫謀而鮮過惠訓不

倦者、叔向有焉、社稷之固也、猶將十世宥之、以

勸能者、今壹不免其身、竟以弟故、以弄社稷、不亦惑

乎、言不以父罪廢其子也、蘇廼而禹興、言不以父罪廢其子也、管蔡為戮、周公有

王、言兄弟罪不相及也、若之何其以虎也、弄社稷乎、子為

善、誰敢不勉、多殺何為、宣子悅、與之乘以言諸

公而免之、共載入見公也、不見叔向而歸、言為國非私叔向也、叔

向亦不告免焉而朝、不告謝之、明不為已、

二十三年、孟孫惡臧孫、季孫愛之、孟孫卒、臧孫

入哭、甚哀、多涕、出其御曰、孟孫之惡子也、而哀

如是季孫若死其若之何臧孫曰季孫之愛我

疾疾也志相順從孟孫之惡我藥石也志相違戾猶藥

疾石療美疾不如惡石夫石猶生我愈已疾之疾也美

其毒滋多孟孫死吾亡無日矣

二十五年齊棠公之妻東郭偃之姊也棠公齊棠邑大

夫棠公死武子取之武子崔杼莊公通焉驟如崔氏

崔杼殺莊公晏子立於崔氏之門外聞難而來其人

曰死乎曰獨吾君也乎哉吾死也言已與衆臣無異也曰

行乎曰吾罪也乎哉吾亡也自謂無罪曰歸乎曰君

死安歸

言安可歸也

君民者豈以陵人社稷是主臣

君者豈爲其口實社稷是養

言君不徒居民上臣不徒求祿皆爲

社稷也

故君爲社稷死則死之爲社稷亡則亡之

謂以公義死亡也

若爲已死而爲已亡非其私暱誰敢

任之

私暱所親愛也非所親愛無爲當其禍

門啓而入枕尸股而

哭

以公尸枕已股

興三踊而出

晉程鄭卒子產始知然明

前年然明謂程鄭將死今如其言故知之

問爲政對曰視民如子見不仁者誅之如鷹鷂

之逐鳥雀也子產喜以語子大叔且曰他日吾

見蔑之面而已

蔑然明名

今吾見其心矣

二十六年初楚伍參與蔡太師子朝友其子伍

舉與聲子相善

聲子子朝子也伍舉椒舉也

伍舉奔晉聲子

通使於晉還如楚令尹子木與之語曰晉大夫

與楚孰賢對曰晉卿不如楚其大夫則賢皆卿

才也如杞梓皮革自楚往也

杞梓皆木名也

雖楚有材

晉實用之

言楚亡臣多在晉

子木曰夫獨無族姻乎

夫謂

晉也

對曰雖有而用楚材實多歸生聞之

歸生聲子名也

曰善爲國者賞不僭而刑不濫賞僭則懼及淫

人刑濫則懼及善人若不幸而過寧僭無濫與

其失善寧其利淫無善人則國從之從亡也詩曰

人之云亡邦國殄瘁無善人之謂也故夏書曰

與其殺不辜寧失不經懼失善也逸書也不經不用常法

古之治民者勸賞而畏刑樂行賞而憚用刑也恤民不倦

賞以春夏刑以秋冬順天時是以將賞爲之加膳

加膳則飫賜飫厭也酒食賜下無不饜足所謂加膳也此以知其勸

賞也將刑爲之不舉不舉則徹樂不舉盛饌也此以

知其畏刑也夙興夜寐朝夕臨政此以知其恤

民也、三者禮之大節也、有禮無敗、今楚多淫刑、

其大夫逃死於四方、而爲之謀主、以害楚國、不

可救療、所謂不能也、療治也、所謂楚人不能用其材也、子儀之

亂、析公奔晉、在文十四年、晉人以爲謀主、繞角之役、

楚師宵潰、楚失華夏、則析公之爲也、雍子之父

兄譖雍子、君與夫人不善是也、不是其曲直、雍子奔

晉、晉人以爲謀主、彭城之役、楚師宵潰、晉降彭

城而歸諸宋、在元年、楚失東夷、則雍子之爲也、楚東

小國、見楚不能救彭城、皆叛也、子反與子靈爭夏姬、子靈、子靈

奔晉、晉人以為謀主、通吳于晉、敎吳叛楚、楚疲

於奔命、至今為患、則子靈之為也、事見成七年若敖

之亂、伯賁之子賁皇奔晉、晉人以為謀主、鄢陵

之役、在成十六年楚師大敗、王夷師燬、夷、傷也、吳楚之間、謂火滅

為鄭叛吳興、楚失諸侯、則苗賁皇之為也、子木

曰、是皆然矣、聲子曰、今又有甚於此者、椒舉娶

於申公子牟、子牟得戾而亡、君大夫謂椒舉、汝

實遣之、懼而奔鄭、今在晉矣、晉人將與之縣、以

比叔向、以舉才能彼若謀害楚國、豈不為患、子

木懼言諸王益其祿爵而復之

二十七年宋向戌欲弭諸侯之兵爲會於宋將

盟於宋西門之外楚人衷甲

甲在衣中欲因會擊晉

伯棼

犁曰合諸侯之師以爲不信無乃不可乎夫諸

侯望信於楚也是以來服若不信是弃其所以

服諸侯也固請釋甲子木曰晉楚無信久矣事

利而已苟得志焉焉用有信大宰退

大宰伯明犁

告

人曰令尹將死矣不及三年求逞志而弃信志

其逞乎信亡何以及三

明年子木死也

趙孟患楚衷甲

以告叔向、叔向曰、何害也、匹夫一爲不信、猶不可也、若合諸卿、以爲不信、必不捷矣、非子之患也、夫以信召人、而以僭濟之、濟成必莫之與也、安能害我、子何懼焉、

宋左師請賞曰、請免死之邑、

欲宋君稱功加厚賞故謙言免死之

邑公與之邑六十、以示子罕、子罕曰、凡諸侯小

國、晉楚所以兵威之、畏而後上下慈和、慈和而後能安靜其國家、以事大國、所以存也、無威則驕、驕則亂生、亂生必滅、所以亡也、天生五材、金木

水火土也

民並用之、廢一不可、誰能去兵、兵之設久

矣、所以威不軌而昭文德、聖人以興

謂湯武

亂人

以廢

謂桀紂

廢興存亡、昏明之術、皆兵之由也、而

子求去之、不亦誣乎、以誣道蔽諸侯、罪莫大焉、

縱無大討、而又求賞、無厭之甚也、削而投之、

削賞

左師之書

左師辭邑

二十九年、吳公子札來聘、見叔孫穆子曰、子其

不得死乎、

不得以壽死也

好善而不能擇人、吾子爲魯

宗卿、而任其大政、不慎舉、何以堪之、禍必及子

焉昭四年、豎牛作亂

三十年、楚公子鬬殺大司馬、為掩、而取其室、申

無宇曰、王子必不免、善人國之主也、王子相楚

國、將善是封殖、而虐之、是禍國也、且司馬令尹

之偏偏、佐也、而王之四體也、絕民之主、去身之偏、

刈王之體、以禍其國、無不祥大焉、何以得免、昭為

十三年、弒

靈王傳

鄭子皮授子產政、子產使都鄙有章、國都及邊鄙、車服等

界、各有分部也、上下有服、公卿大夫、服不相踰、田有封洫、封、疆也、洫、溝也

廬井有伍

廬舍也九夫為井使五家相保也

大人之忠儉者

謂卿

夫從而與之泰侈者因而斃之從政一年與人

誦之曰取我衣冠而褚之

褚蓄也奢侈者畏法故畜藏也

取我

田疇而伍之孰殺子產吾其與之

並畔為疇

及三年

又誦之曰我有子弟子產誨之我有田疇子產

殖之

殖生也

子產而死誰其嗣之

嗣續也

三十一年鄭人遊于鄉校

校學之名也

以論執政

論其

得失然明謂子產曰毀鄉校如何

患人於中

子產

曰何為夫人朝夕退而遊焉以議執政之善否

其所善者、吾則行之、其所惡者、吾則改之、是吾

師也、若之何毀之、我聞忠善以損怨、為忠善則怨謗息也

不聞作威以防怨、欲毀邦校即作威也、豈不遽止、然猶防

川也、遽、畏懼也、大決所犯、傷人必多、吾不克救也、不

如小決使道、道、通也、不如吾聞而藥之、以為己藥石、然明

曰、蔑也、今而後知吾子之信可事、小人實不才、

若果行此、其鄭國實賴之、豈唯二三臣、仲尼聞

是語也、曰、以是觀之人、謂子產不仁、吾不信也、

鄭子皮欲使尹何為邑、為邑大夫、子產曰、少未知可

否

尹何年少

子皮曰愿吾愛之不吾叛也

愿謹善也

使夫

往而學焉夫亦愈知治矣

夫謂尹何

子產曰不可人

之愛人求利之也今吾子愛人則以政

以政與之猶

未能操刀而使割也其傷實多

多自傷

子之愛人

傷之而已其誰敢求愛於子子於鄭國棟也棟

折榱崩僑將厭焉敢不盡言子有美錦不使人

學製

製裁

大官大邑身之所庇也而使學者製焉

其爲美錦不亦多乎

言官邑之重多於美錦

僑聞學而後

入政未聞以政學者也若果行此必有所害譬

如田獵射御實則能獲禽

實習也

若未嘗登車射

御則敗績厭覆是懼何暇思獲子皮曰善哉虎

不敏吾聞君子務知大者遠者小人務知小者

近者我小人也衣服附在吾身我知而慎之大

官大邑所以庇身也吾遠而慢之

慢易

微子之言

吾不知也他日我曰子爲鄭國我爲吾家以庇

焉其可也今而後知不足

自知謀慮不足謀其家

自今請

雖吾家聽子而行子產曰人心不同也如其面

焉吾豈敢謂子面如吾面乎抑心所謂危亦以

告也、子皮以爲忠、故委政焉、子產是以能爲鄭

國

傳言子產之治乃子皮之力

衛侯在楚、北宮文子見令尹圍之威儀、言於衛

侯曰、令尹似君矣、將有他志、

言語瞻視行步不常

雖獲其

志、不能終也、詩云、靡不有初、鮮克有終、終之實

難、令尹其將不免乎、公曰、何以知之、對曰、詩云、

敬慎威儀、惟民之則、令尹無威儀、民無則焉、民

所不則、以在民上、不可以終、公曰、善哉、何謂威

儀、對曰、有威而可畏、謂之威、有儀而可象、謂之

儀君有君之威儀其臣畏而愛之則而象之故
能有其國家令聞長世臣有臣之威儀其下畏
而愛之故能守其官職保族宜家順是以下皆
如是是以上下能相固也衛詩曰威儀棣棣不
可選也

棣棣富而閑也選猶數也

言君臣上下父子兄弟內

外大小皆有威儀也周書數文王之德

逸書

曰大

國畏其力小國懷其德言畏而愛之也詩云不

識不知順帝之則言則而象之

言文王行事無所斟酌唯在則

象上天

紂囚文王七年諸侯皆從之囚可謂愛之

矣、文王伐崇、再駕而降爲臣、

文王聞崇德亂而伐之、三旬不降、退

脩教、而復伐之、因壘而降、

蠻夷帥服、可謂畏之矣、文王之功、

天下誦而歌舞之、可謂則之矣、文王之行、至今爲法、可謂象之、有威儀也、故君子在位可畏、施舍可愛、進退可度、周旋可則、容止可觀、作事可法、德行可象、聲氣可樂、動作有文、言語有章、以臨其下、謂之有威儀也、

羣書治要卷第五